

սաղէմի՝ յերեկեան գիշերն բերանացի պատմեցի նորին Բարձրութեան, և նա հրամայեաց գրով մատուցանել զայն : Ուստի հարկ եղեւ վերստին կոչել զպատգամաւորն Յունաց եւ հարցանել, ահաւասիկ բանք նորին : Դատաւորն Երուսաղէմի սակա գործադրելոյ զհրովարտակն Արքայի՝ խնդրեաց 'ի մէջ 100,000 դահեկան, թէպէտ եւ յօժարեցաք տալ նմա 20,000 կանխիկ, և 10,000 փոխանակագրով հատուցանել 'ի Կոստանդինուպօլիս, այլ նա ոչ կամեցաւ, և խնդիրն մնաց 'ի վիճակի իւրում : Իսկ Հայք համարձակութիւն առեալ յընթացից Դատաւորին, անցեալ զանցին քան զչափն, զի ընդդէմ նախնական սովորութեան բացին դրունս յեկեղեցին Բեթղէհէմի եւ զարդարեցին պէսպէս պատկերօք, և 'ի թոյլ տալոյ Դատաւորին՝ նորոգելն զեկեղեցին Համբարձման, և յանդգնեցան առնել զքանի մի աւելորդ իրս, մինչ զեկեղեցին անգամ նորոգելոյ չունէին հրաման, այժմ շինեալ հաստատեցին մի նոր վանք, և դրաւեցին զբանալի տեղւոյն, որ յաակացեալէր Հայոց, Յունաց և Լատինաց : Եւ 'ի հրամանագիրս Փոխարքային յայտնապէս յիշեալ է լեառն Զթիէնեաց, և ջնջումն երկից հրովարտակացն Հայոց, և այս կարծիս տուեալ է . այսոքիկ են բանք պատգամաւորին : Յետ ճանաչելոյ մեծութեան ձերում զեղանակ գործոյն, հաճեցէք մատուցանել յոտս նորին Բարձրութեան : Արդ՝ խնդրեմք զպատիժ Դատաւորին, զմերժումն Հայոց 'ի տեղեացն այնոցիկ, յորս չունին իրաւունս, և զհաստատութիւն իրաւանցն Յունաց : Եւ որպէս զի մի յանդգնեցին միւսանգամ յայսպիսի խնդիրս, կարգեսցի Ոստիկան 'ի քննութիւն դատին, և 'ի նկատի ունել զտեղիս, որք կարօտ են շինութեան, և յայտնել զճշմարտութիւն իրին, զի վախճան լիցի այսպիսի վիճմանց և խօսակցութեանց, խոնարհ աղերսանօք և յարգանօք ծանուցանեմ նորին Բարձրութեան, 'ի Վ Շէվվալ ամսոյ ՎՅԾՎ : Պատճէն նամակի Փոխարքային գրեալ առ Գաւառապետն :

Զթարգմանութիւն նամակի Ռուսիոյ տէրութեան ընդհանուր Հիւմատոս Գունիէմում բարեկամին մերոյ, ուղղեալ առ Թարգման Պէյն, սակա Դատաւորին Երուսաղէմի, եւ զպատճէն Կայսերական հրովարտակին ծրարեալ 'ի ծոց հրամանագրոյս առաքեցի առ ձեզ, զի ընթերցեալ բարւոք